

Cyngor Cymuned Llanddeiniolen
Crynodeb o Gofnodion Cyfarfod y Cyngor a Gynhaliwyd yn Ysgol Gymuned
Penisarwaun Nos Fawrth 5ed Ebrill 2016

Teyrnged:

Gyda thristwch unwaith eto eleni y bu i ni golli aelod gweithgar iawn yn ei gymuned, Philip Jones. Cafwyd munud dawel, a cawsom atgof o'r cymeriad.

Er cof am Phil

**I'w gelloedd nid oedd gwella, - rhy fuan
i'r fawnog aeth adra',
Yno, golud bro barha
o'r rhyddid o dd'allt gwreiddia.**

Richard Llwyd Jones

Yn bresennol :- Y Cadeirydd Miss Phyllis Ellis a'r Cynghorwyr, Elfed Williams, Richard Ll. Jones, Gwilym Williams, Carolyn Roberts, R. Hefin Williams, Geraint Hughes, Rhian Evans a Idris Thomas.

Gweddi: Offrymwyd gair o weddi gan Richard Ll. Jones, a chyfeiriwyd yn annwyl iawn tuag at ambell rai yn ein mysg sydd ddim yn dda eu hiechyd.

1. Ymddiheuriadau. Jane Pierce, Aled Green, Geraint Elis

2. Datgan buddiant. Dim

3. Cofnodion cyfarfod 1af Fawrth 2016.

Derbyniwyd y cofnodion fel rhai cywir.

4. Materion o'r cofnodion

Biniau Halen – Derbyniwyd llythyr o Cyngor Gwynedd oedd yn cyfeiro at gadarnhad ar pris llenwi, trefniadau symyd, archwilio a rhifo biniau. Gan ein bod eisioes yn disgwyl cael 2 fin newydd yn Rhiwalas, penderfynwyd ysgrifennu yn atgoffa Gwynedd o hyn, a gofyn am amserlen i'r gwaith rhifo ayyb.

Parc Padarn – Derbyniwyd ateb ynglyn a warden dros dymor y gaeaf, ac yn dilyn toriadau – ni fydd warden yn Parc Padarn ar benwythnosau yn nhymor y gaeaf.

Priffyrdd - Y lôn yn Trem Eilian, Brynrefail a'r arwydd yn Ninorwig bellach wedi eu cwblhau.

Parcio Anabl Bethel – Derbyniwyd llythyr a map yn gofyn i ni ddangos yn union pa un, serch hynny daeth cais yn gofyn am newid defnydd i barcio arhosfa byr dan ganllawiau bathodyn glas i ymwelwyr i'r safle bost. Y clerch i yrru i Gwynedd.

Lon Racca - Mae y cynghorydd wedi bod yn ceisio eto cael trin y ffordd yma. Ond oherwydd toriadau o 850,00 i gyllideb priffyrdd, derbyniwyd llythyr yn datgan nad oes dim y gall adran briffyrdd wneud ynglyn a'r sefyllfa. Dywedwyd bod cytundeb wedi bod nôl yn Tachwedd 2014, lle pryd hynny roedd 13 canllaw a diffygion. Nid gwyneb y lôn yn unig sydd ond mae diffyg, marciau, gordyfiant, gor yrru, ynghyd a phroblem dŵr yn waelod Allt Sam a cerrig o waliau yn rhydd. Mae cwyno mawr fod ceir yn difrodi wrth drafeilio arni. Mae y lôn yma yn hollol bwysig oherwydd mae hi i bob ystyr yn cael ei defnyddio i fysiau hefyd. Awgrymu i'r clerch gysylltu a cwmni bysiau i gael eu barn hwy a Priffyrdd cyn cysylltu a Hywel Williams.

CCG – Derbyniodd Cyngorydd Sir lythyr yn dweud fod CCG yn chwilio am gynrychiolydd tenantiaid i'w tai. Nid oes neb yn siwr pwy sydd ar y pwyllgor yma. Penderfynwyd gofyn i'r clerc gysylltu yn gofyn am restr cyflawn o gynrychiolwyr yr ardal sydd yn sefyll ar y pwyllgor yma, ac awgrymu iddynt eto i roi hysbyseb o'r fath mewn papurau bro.

5. Gohebiaeth a materion eraill

Llochesau Bws - Derbyniwyd llythyr gan y cyngor yn ein hysbysu fod angen arwydd rhybudd 'Mynedfa Isel' ar ddau loches yn Ninorwig hyn yn dilyn asesiadau risg. Gofyn i'r cyngor am arwyddion addas.

Ceisiadau Eisteddfod Yr Urdd a'r Band – Yn dilyn cais trwy lythyr gan Fand Ieuenctid Deiniolen am nawdd ariannol tuag at gostau teithio i'r gystadleuaeth flynyddol penderfynwyd gyfrannu £100 tuag at gostau teithio i'r band ac i ysgolion/adrannau cynradd fydd yn cystadlu yn Eisteddfod yr Urdd Sir Fflint, o dderbyn llythyr gan benaethiaid/arweinyddion i law y clerc.

Cyfarfod Hydro System – Roedd aelod wedi mynychu cyfarfod a drefnwyd gan Cyfoeth Naturiol Cymru gyda cynllun Hydro System yn Llanberis. Amlygwyd bod dŵr yn cael ei ollwng yn ochor Waunfawr ac yn llyn Padarn a bod pryder fod y dŵr yn llygru.

Mae'r dŵr yn cael ei fonitro gan y cwmni ei hun, a Chyfoeth Naturiol Cymru yn astudio'r data. Awgrymwyd fod angen rhywyn hollol annibynnol fuasai yn gallu gwneud prawf unrhyw dro heb rybudd. Clerc i yrru llythyr yn datgan hyn i Cyfoeth naturiol Cymru.

O gwmpas y Bwrdd

Deiniolen - Dywedwyd fod y cyngorydd Elfed Williams wedi gorfod codi ymwybyddiaeth ynghylch a'r bocsys Coch yn ardal Deiniolen. Mae'n ymddangos fod gwastraff asbestos yn y bocsys, a gwastraff yn dal i gael ei gario iddynt er fod y gwaith gan CCG wedi cwblhau yn Neiniolen. Wedi cael sicrwydd fod CCG yn mynd i'w symyd yn yr wythnosau nesaf. Gofynwyd beth oedd hanes y Chwareli a Statws Treftadaeth y Byd? Nid oes neb wedi clywed dim hyd yn hyn.

Gofynwyd beth oedd canlyniad i'r cais Tystysgrif Cyfreithloni ar y safle yn Fachwen.

Gofynwyd i'r clerc holi am fwy o wybodaeth am rheol Tystysgrif Cyfreithloni, a gofyn os yw y safle yn dod oddi dan system treth y cyngor.

Rhiwlas – Angen sylw i lwybr o Cae Hel i fyny i Lôn Castell – amhosib cerdded ar ei thraws dan fwd.

Baw Cŵn – Mae bin ychwanegol ar ei ffordd, ac maent yn cael eu gwagio yn wythnosol ar hyn o bryd, ond mae pryder am faint mae hyn i barhau gan fod y swyddog sydd yn gwneud y gwaith ar hyn o bryd yn ymddeol ym mis Medi.

Trafodwyd fod angen ysgrifennu at y cyngor yn gofyn os ydi bob bin yn cael ei wagio yn wythnosol, a beth gellir ei wneud ynglyn a bagiau baw cŵn sydd yn cael eu hongian ar weiren bigog neu mewn waliau yn y pentrefi?

Bethel – Cysylltu a Cynllun Adnau Gwynedd a Mon ynglyn a newid i'r cynllun gwreiddiol yn gofyn am ymateb yn sgil adroddiad newydd a pha ddylanwad y gaiff hyn ar y cynllun gwreiddiol

